

www.BibleForChildren.org



Кердигэ 6



Аки о пхукаипэ катар Ной тай
лэски пуендар. Машкарэ ко
мануша одолэ вахытески
екх о Ной сас чячё тай
бидошако; ов пхерэлас э

Дэвлэса. О Дэл дикхляс, сар

паровдили э пху

андар


одолэстэ, кай

алаи о мануша

опэр пху гелэ

опэр налаче

дрома.



Дэчи о Дэл пхэнляс э Ноески: — Мэ кан тхав бытима алаески, со бэшэл опэр пху, вай андар лэндэ э пху пхэрдили джюнгалимаса. Мэ кан кхосав лэн екхетханэ алаи э пхуяса.



Кер туки кавчеги катар тэрэки гофер, тай кер андэ лэстэ тхана, тай мак смоласа лэс андар тай аврял.




Аки сар ту
камэл лэс тэ
керэс: о кавчеги
камэл тэ овэл 150 куня
андэ дулгипэ, 25 куня
андэ буглипэ тай 15
куня андэ учипэ.




Лэ бут туса вэрсаво хапэ,
тай тхэ екхетханэ,
тэ хас ли ту, ли он.



Гел андэ кавчеги алаи э гайванен по дон, муршэс
тай джювля, тэ ачён он дживиндэ екхетханэ туса.




Лэ туса по эфта парэс андар вэрсавэ шужэ
гайванен, муршэн тай джювлен, тай по екх
пара андар кажни порода вэрсавэ нашужэ
гайванен, муршэн тай джювлен, тай по
эфта парэс андар вэрсавэ булутенги
чириклен, муршэн тай джювлен,
тэ гаравэн лэги порода опэр пху.





О Ной, лэски чявэ,
лэски ромни тай о ромня
лэски чявэнги динэ андэ
кавчеги, тэ кутардиенпэс
катар бугулдима.





Кана э Ноески сас шовшэл
брэш, андэ дэшуэфтато дес дуйто
чёнэско, пхарэ алаи о тхана э
хоримаски, пхутэрдилэ о
пэнчерэс э булутенги, . . .





... тай опэр пху чёрдёлас о брышым
саранда дес тай саранда ратя.



О паня бутёнас тай
ваздиндёнас, ай о кавчеги
дэлас джялдави опэр пани.



Он ваздиндилэ опэр пху аякха учес, кай учярдэ алаи
о уче горадэс тал булутя. Алаи опэр шукипэ, андэ
каска хэрнендэ сас тынышы бэшымаско, муло.



Ай о Дэл тюшундиелас катар Ной тай
катар алаи вэшэски гайваня тай катар
кхерутнэ гайваня, савэ сас лэса андэ
кавчеги, тай Ов бичялдяс балвал
опэр пху, тай о паня лилэ
тэ залагизэн.





Саранда десендар о Ной
пхутэрдяс э пэнчера, сави
ов кердяс андэ кавчеги,
тай мукляс э карга, тай
одоя урялас тай авэлас палэ
джи одолэ вахытески, бискай о
пани опэр пху на шукило.

Дэчи о Ной мукляс

голубес, тэ дикхел,

гело о пани опрал пху.




Ко биш эфтато дес ки дуйто чёнэско э пху ули
алаи шуки. Дэчи о Дэл пхэнляс э
Ноески:— Никлё андар кавчеги ту,
ти ромни, тэ чявэ тай
лэнги ромня.



О Ной кердяс э Яхвэ Сагбуски алтари, лиляс шужэ
гайванен тай
чириклен андар
кажни порода,
чиндяс лэн тай алаи
тхардяс опэр яг.






О Дэл пхэнляс:
— Аки о сикаипэ э
заветеско, саво
Мэ керав машкарэ
Мандэ тай тумэндэ,
тай алаи ко дживиндэ,
савэ си тумэнца, алаи о

породэс, савэ кан
овэн. Мэ тхав опрэ
булутя Ми радуга, тай
ой кан овэл сикаипэ э
заветеско машкарэ
Мандэ тай ки пху.





Кана би Мэ тэ на
бичялав булутя
опэр пху, андэ
булутя кан овэл
радуга, тай Мэ кан
тюшундияв Мо завети
машкарэ Мандэ тай тумэндэ

тай алаи ко
дживиндэ. Генэ о
паня на кан чёрдён
бугулдимаса, тэ
мударэл алаи о
дживиндо.



О Дэл алгышты э
Ноес тай лэски чявэн тай
пхэнляс лэнги: — Мэ аракхлэн
пуя тай бутён, пхэрэн э пху.



О чявэ э Ноески, кай
никлиштэ андар кавчеги, сас о
Сим, о Хам тай о Яфет.
(О Хам — о дад э Ханаанеско.)
Адала трин чявэ э Ноески,
тай лэндар улэ мануша,
савэ бутилэ опэр алаи
ки пху.



Кердипэ 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Romani Balkan OT (rmn)

© 2021 Bible Translators of Ukraine

© 2021 Pioneer Bible Translators

<https://www.bible.com/en-GB/bible/3102/GEN.1>

©2026 Bible for Children, Inc.

www.M1914.org

www.bibleforchildren.org

